

Saturday

\$14.95

ALL you can EAT

FAJITAS

with your choice of chicken, steak or fish.

Cuervo **Balashi**

Sunday

\$14.95

Bring this ad with you & receive a **FREE** Margarita or Balashi

RIBS & CHIX

All you can eat

BBQ ribs & Grilled Chicken

Cuervo **Balashi**

Café BAHIA
Caribbean food & entertainment

Weststraat # 7 Downtown, Oranjestad

Tel: 582-9982

Exitoso festival di Aruvision teni na Hulanda



Michael Lampe cantando e cancion ganador "Imagine".



Na final tur participante gozando ariba musica di Lord Cachete

ORANJESTAD (AAN): Informe for di Den Haag na Hulanda, ta muestra cu e segundo festival di Aruvision, 2003 conhuntamente cu Fundacion Divi for di Den Haag a tuma lugar den Van Goghzaal di Nederlands Congrescentrum ariba diabierna 24 di October. E segundo Aruvision a ser dedica na e sra. Maybeline Arends-Croes. Prome cu a entrega un trofeo na sra. Arends-Croes e maestro di ceremonia Addoncito Croes a lesa un biografia di sra. Maybeline Arends-Croes. Musica

a haci su entrada den bida di Maybeline Arends-Croes na edad di ocho aña, ora cu su tata a regale un cuarta. Despues di a sigui conservatorio na Hilversum, Hulanda, Maybeline Arends-Croes a regresa Aruba na unda e a dedica su bida na duna les di na hobennan pa asina nan desaroyo nan talentonan musical. E aña aki sra. Maybeline Arends-Croes ta cumpli 35 aña ta duna les di musica na Colegio Arubano. Sra. Maybeline Arends-Croes a bisa di ta honra cu e

festival ta dedica na su persona y cu esaki ta e muestra di aprecio mas grandi cu el a haya den su bida. Tambe sra. Maybeline Arends-Croes tabata tin palabra di elogio pa e organizacion di e festival cu ta hobennan cu a duna hopi di nan tempo liber pa organiza un festival asina. el a bisa di ta contento cu e festival aki ta brinda hobennan pa desaroya nan talento musical.

Un total di 10 participante a tuma parti na e festival di canto, di cua dos ta consisti di un duo. Nan ta Sembéna



Ministro Plenipotenciario dirigiendo palabra na publico presente.

Jeroe, Jessica Maduro, Dou Los Angeles, Michael Lampe, Suzette Bareño, Gilbert Arends, Loufran Tromp, Raymond Kamperveen, Indra y Bruze Stamper y Marilyn Croes. Hopi di e participantenan ta studiantenan siguiuendo un estudio of nan a caba cu nan estudio.

Fuera di e 10 paricipantenan Emily Bueno di Mesquita a canta e himno di e festival "Un Cancion pa mi nacion". Despues cu e cantantenan a duna nan presentacion y e hurado a bay haci nan tarea di conta e votonan grupo di baile Xanadu Dancers bou guia di Anuedi Cabral a duna un tremendo show. E agrupacion Green Lizard a brinda e publico presente cu tres cancion acoustico, mientras cu e pianista Arubano Jonathan Vieira, cu actualmente ta studiando na New York a toca algun piesa ya a termina su concierto cu acompañamento di un grupo di rap for di Orlando, Florida.

Michael Lampe a sali e ganador di e segundo Aruvision Songfestival. Su interpretacion di e cancion di John Lennon "Imagine" a convence tanto e miembronan di hurado como e publico. Na dos lugar a keda Sembéna

Jeroe cu e cancion "Didn't we almost have it all" di Whitney Houston y e tercer premio a bay pa Raymond Kamperveen cu a interpreta un propio composicion di Zuleika Geerman titula "Mi ta enamora". Alavez el a sabi di gana e premio pa cancion mas original. Tambe tabata tin un premio pa cantante mas popular cu a bay pa e duo Indra y Bruce Stamper cu e cancion "Vivir lo nuestro" di Marc Anthony y la India.

Ministro Plenipotenciario sra. Ella Tromp-Yarzagaray a hiba palabra na unda a felicita Addoncito Croes, Fundacion Divi y tur esnan cu a yuda na organiza e festival di canto aki. Segun e mandatario e segundo festival a demostra cu e iniciativa aki mester continua. E mandatario a bisa di ta contento cu e organizadornan di e festival a scohe pa duna homenahe na sra. Maybeline Arends-Croes cu sigur a sabi di contribui na stimula musica bou di nos hobennan. E anochi a keda cera cu actuacion di Lord Cachete cu a sa di pone un show di Carnaval tremendo, na unda henter e publico presente por a goza ariba tononan carnavalesco

TELEFONNAN DI DIARIO
582-6747- FAX 582-8551